

以紫塞之昂藏良之維榆關跨虜碣石巽之維鄒魯
連庫漢陽坤之維鄴下倚山而繡錯乾之維蜚狐結
塞而聳張隨彼河山之四塞雄茲帶礪之八方言登
其山厥有銀山鐵壁千年積雪翠屏香陁百丈巖嶠
潭枯雷擾龍之潭黍谷傳吹灰之垓盤山三盤千古
一翠螺山三螺半灣如醉壁削峯嶸嵐飛黛媚奚啻
衡嶽之七十有二峯鳥止南朝之四百八十寺百花
之陀偈仄嵯峨非攬不攀非鳥不過靈葩忍草黃帝
岐伯之所未曾羅上方之頂磴梯道迴徑蟠曲松巔
汲深井曰石經曰房山梵宇剡闕於硤礧聖水潄渠

於澗灘曰玉屏曰龜鏡平巔可坐萬夫香霧時流一
洞是皆幽蘊涿鹿之巨境也至若平州絕界遼西控
邊角山騰蹕而插野如怒蛟之伸拳孤山蜿蜒而赴
海儼渴驥之奔泉其兜轉折旋又有然也郎山如海
上之三峯燕昭求仙之臺轟轟茂幽分玄嶽之一壁
黃帝問道之蹟穆穆上下清虛傳抱朴之丹籙大小
雄山枕雷溪之碧曲萬春雲臺檉巖天胎瀛郡有阜
突兀皆咳海螺雲鳳一縱一橫鎮州之麓矢直而徑
恒山接清涼之背一嶺界虜趙代中山居定州之心
小岨而名虜都會華山草木四時紅宛矣淮陰之赤